

СОВЕТСКИЙ СОЮЗ

Газрин искусствени дахулин нислгън

Газрин искусствени дахуль хёр шаху хонгт газриг тѳгӓлӓд нисчкв. Октябрин 22 кӓртл Газрин дахуль 258 дакдж газриг тѳгӓлӓд нисчкв, терӓнӓ радиостанцснь ода бийнь хойр частотагъарн—20 болн 40 магарецд кӓдлӓ йовна.

Газрин дахулин болн ракета-носителин нислгън тасрхан угагъар радиотехническ болн оптическ эв-аргъар шинджлдж хӓлӓгдджӓнӓ. Газрин дахулиг шинджлдж хӓлӓлгънӓ йовудт, научн ик ӓнтӓ дала материал хурагддж авгдси бӓӓнӓ. Тер материалмуд ѳдр ирвӓс улм ѳсӓд бӓӓнӓ.

Газрин дахулиг шинджлгъ кесилӓ зерглӓлдж, ирсн сонъсхврмуд шӓӓлдж хӓлӓгдӓд, тер дахулин нислгънӓ эргин гол мӓрнь диглгдджӓнӓ.

Ирсн материалмудиг шӓӓлдж хӓлӓлгън—Газрин дахулин болн ракета-носителин эргц кедг цагин кемджӓнъ дӓсӓд

багърдж йовхиг ӓзӓлджӓнӓ, тиигчкӓд тегӓд, ракета-носитель газриг эрглгънӓ цагин кемджӓн багърлгън, Газрин дахуль Газриг эрглгънӓ цаг багърлгънас хурдар кегддж йовна, юнъгад гихлӓ, ракета-носитель атмосферин деерк захд сӓрлцлгънлӓ харгъад, чидлӓн зӓвӓр икӓр геедж йовх болджана.

Ода Газрин дахуль нег эрглгъӓн 95,56 минутин дунд, ракета-носитель 95,12 минутин дунд кедж йовна. Газриг тѳгӓлгънӓ цагин кемджӓн ним хашнъгар багърдж йовх учрар, ракета-носитель нег ӓлӓ искусствени дахуль ода чигн кесг цагтан Газриг тѳгӓлдж нисх гидж тоолгдджана. Октябрин 22 асхн ракета-носитель Газрин дахулӓс 21 минъгън километр ѳмн эс-гидж цагарн болхла 46 минут тӓрӓлдж йовхмн.

(ТАСС).